

致力於明而反不如不明之愈也傷於體而害於事願治之心雖切而為治之本墜矣上即位之初慈殿輔攝徒尚英明唯恐主上之新政或未盡於明而為下人之所欺汲汲焉唯以明之一字為急務權臣之居戚畹操國柄者以瑣瑣斗筭之器行箝制脅勅之計逢迎縱吏每萌之一字勸於上開不信下人之端庶事之微可以察之以是今日摘奸於此明日摘奸於彼小而各司之直宿飲食軍卒之警守閭閻之里門功役之勤慢陵寢之修否至於么麼之事抄忽之舉莫不遣內臣摘奸駙騎長立於闕門使命旁午於四方耳目廣被宜若無所壅蔽矣奈何摘奸愈繁萬事愈解始則下人奔走無所措其手足終則視之為尋常上之所為雖動而下之奉行無人主勢不尊人情怠慢書曰元首叢脞哉股肱隳哉豈不信乎

○兩司啓兩宗等事不允

已卯 上御夕講○兩司啓兩宗等事不允○日微暈兩珥夜